



VOTE.JE

Lé Dgide Officiel à la Vot'tie en Jèrri

ÈRMÈRTCHIZ
LA
DATE: LÉ
22 D'JUÏN '22



LES ÊLECTIONS LUS EN VONT CHANGI

Lé 22 d'Juïn 2022 ou pouôrrez voter pour les cheins qu'ou voulez qu'i' r'présentent vos avis pour les quat' ans à v'nîn dans l'Assemblée d's États - lé parlément élu d'Jèrri.

Apprannez comme tchi voter et comme tchi qu'les dreins changements à la vot'tie vos touch'chont.



Elections are changing

Vote.je



As eleições estão a mudar

Vote.je/pt



Zmiany w wyborach

Vote.je/pl

Vot' Île, Vot' Vouaix

L'Assemblée d's États prend des décisions tchi touchent la vie à tous nous. Du nivé d'taxe, à comme tchi qué j'protégeons l'bel envithonnement natuthé d'Jèrri; du financement d'nos écoles, à comme tchi qué jé d'livrons la souongn'nie d'la santé à tout l'monde.

Ch'est d'amain et aîsi d'faithe san d'ver en votant à seule fin qu'les cheins élus à l'Assemblée d's États r'présentent tous les gens d'Jèrri, n'importe où'est qu'ou d'meuthez, tchil âge qu'ous avez, ni dé iou qu'ou v'nez.

Y'étha tchiques changements à l'Élection Généthale dé 2022:

Tch'est qui chang'gea pour l's électeurs?	Tch'est qu'chenna veurt dithe pour vous
✓ N'y'étha d'aut' dé Sénateurs	
✓ Lé nombre dé Députés s'sa haûchi d'29 jusqu'à 37	Des districts ont 'té grées à seule fin d'érégaler mus la distribution d's élus l'travèrs d'la populâtion d'l'Île. Apprannez dans tchi District Électora qu'ous êtes en vîsitant Vote.je/districtfinder
✓ Ou vot'tez pour vos Députés dans iun des neu nouveaux Districts Électoraux	
✓ N'y'étha fis d'âme élu sans vot'tie	Ou pouôrez voter pour 'Fis d'âme des Susdits' s'i' y'a l'même nombre ou mains d'candidats qu'lé nombre dé postes à élithe
✓ Ou pouôrez chouâisi d'voter par la poste ou en pèrsonne	Ou pouôrez voter d'vant l'élection sait par la poste sait à l'avanche, ou bein l'jour d'l'élection en pèrsonne à eune pliaiche dé vot'tie
Tch'est qui n'chang'gea pon?	
☰ Lé rôle du Connêtabl'ye reste sans changi dans châtcheune des 12 Pâraisses	
☰ Y'étha tréjous 49 Membres des États, châtchun ou chatcheune ayant eune vouaix égale dans les d'bats entourer l'av'nîn d'Jèrri	
☰ Tous les membres es'sont élus à lus postes pour quat' ans	
☰ L'âge du minnimum pour la vot'tie reste à 16 ans	

Ch'est aïsi d'voter

J'peux-t-i' voter?

OUI, si'en cas:

- ✓ Qu'ous étez 16 ans ou pus l'22 d'Juîn 2022; ET
- ✓ Qu'ous étez d'meuthé en Jèrri au mains d'pis deux ans jusqu'au 22 d'Juîn 2022; OU
- ✓ Qu'ous étez d'meuthé en Jèrri au mains d'pis siêx mais jusqu'au 22 d'Juîn 2022, et auve chenna eune pause tch'égale en tout chîng ans

Comme tchi qué j'saithai pour tchi voter?

Touos les candidats à l'élection s'sont annonchis en lîngne et dans les médias Mècredi l'18 d'Mai.

Un livret tchi contcheint touos les manifestes - Un raccourchi d's avis et promesses des candidats - s'sa posté à chèque démeute et publié sus **Vote.je** et chenna auve un p'tit vidgo dé chèque candidat et candidate.

Les rêunnions électorales sont d's assemblées dans tchi qu'ou pouvez d'mander des tchestchions ès candidats dans vot' Pâraisse et Distrit entour chein tch'est près d'vot' tchoeu, Ches rêunnions prendront plaiche dans les s'maines dévant l'jour d'l'élection.

Dé tchill' affaithes qu'ou voudrêtes qué les candidats lus en d'mentent?

Les définnissâles des rêunnions électorales es'sont publiées sus **Vote.je** pus près d's élections. Dans l'entrétant, ou pouvez nos faithe assaver d'tchill' affaithes qu'ou voudrêtes vaie distchutées ès rêunnions électorales.

- Tch'est qu'ous avez près du tchoeu?
- Tch'est qu'il est d'mêchi d'changi?
- Tch'est qu'il est d'mêchi d'présèrver?



Faites-nous assaver sus **Vote.je/hustings** ou en scannant l'code QR.

Comme tchi qué j'vote?

Preunmiéthement, ous avez à vos enr'gîstrer

Ou pouvez l'faithre:

- 🌐 En lîngne: vîsitez **Vote.je/register**
- ✉ Par la poste: renvyez la forme d'enr'gîstrâtion qu'ous étez r'chu d'vot' Pâraisse
- 🙋 En pèrsonne: vîsitez vot' Salle Pârrouaïssiale

Un co qu'ou vos s'sez enr'gîstré, ou pouôrrez voter. Y'a trais mouoyens d'tchi qu'ou pouôrrez voter dans l'Élection Généthale 2022:

- Par la vot'tie postale
- En pèrsonne par la vot'tie à l'avanche
- À vot' vot'tie d'par siez vous l'22 d'Juîn

J'nos'n'allons vos înformer des définnissâles d'la vot'tie postale et à l'avanche sus **Vote.je**.

VOT' ALMONNAS D'L'ÉLECTION '22

- Avis'-ous dans tchi nouveau Distrit Électora qu'ou d'meutez en vîsitant **Vote.je/districtfinder**
- Enr'gîstr'-ous pour voter par 12h méjeu l'10 dé Mai
- Chouaïssez les candidats qu'ou voulez qu'i vos r'présentent
- VOTEZ! Sait par la poste, à l'avanche sait l'jour d'l'Élection: **l'22 d'Juîn 2022**

S'mett' sus les rangs

En sé m'ttant sus les rangs, ou pouvez bein changi d'tchi pouor Jèrri achteu et à l'av'nîn.

Ou n'avez pon qu'faithe dé v'nîn d'tchique bord en partitchulyi, ni d'aver tchiques qualificâtions, ni d'expéthience spécifique. Les Membres des États prannent des décisions tch'ont un r'effet sus tout l'monde et chein tchi vaut surtout ch'est qu'l'Assemblée d's États èrprésente les gens d'Jèrri dans toute lus diversité.

J'peux-t-i' m'mett' sus les rangs?

Pouor vos mett' sus les rangs pouor Membre des États ou vous avez raîque à:	Connêtabl'ye	Député ou Députée
Aver au mains 18 ans	✓	✓
Êt' un Citouoyen ou Citouoyenne Britannique	✓	✓
Aver 'té résident(e) en Jèrri au mains d'pis deux ans jusqu'à l'élection OU résident(e) en Jèrri d'pis siêx mais jusqu'au d'avant l'élection, et en tout chînq ans d'avant chenna	✓	✓
D'meuther dans la Pâraisse ou l'Distrit qu'ou voulez r'présenter	✓	

Comme tchi m'mett' sus les rangs?

Les nominnâtions s'sont ouvèrtes entre 11-13 dé Mai 2022. I' vos faudra un proposant ou eune proposante et acou neu supporteurs pour vos nonminner, tchi daivent aver l'drouait d'voter dans l'Distrit Électora dans tchi qu'ou proposez d'êt' élu(e). Y'a étout d'aut's changements d'la procéduthe électorale entour les candidats.

Tch'est qui s'en va don changi pour les candidats?

- ✓ La procéduthe des nonminnâtions s'en va changi. Les nonminnâtions s'sont publiées sus **Vote.je** auprès la date lînmite pour les nonminnâtions, au run d'êt' annonchies dêliêment. V'là tchi donn'na assez d'temps pour la vérification des papiers dé nonminnâtion et la rêsolution d'autchuns ohiêrs.
- ✓ Nou-s-a haûchi combein d'sou qu'les candidats peuvent dêpenser duthant lus campagnes. La période dé la dêpens'sie d'campagne quéménche lé 22 d'Févri 2022, ch'est en tchi les candidats éthont à garder lus comptes dé chute date-là. Ou trouv'thez les dêfinissâles sus **Vote.je**.

S'ous êtes à penser à vos mett' sus les rangs, en sachiz pus long en vîsitant **Vote.je**

Portrait d'la Chambre des États, grâce à Ian Rolls

VOTE.JE Lé Dgide Officiel
à la Vot'tie en Jèrri